

Муҳаммаджон Мирзамуҳамедов

Русчадан Мухтор Ниёзов таржимаси

СҮНБУЛ

Қисса

Ўша баҳорда Мухторхон уйга пиёда қайтишни одат қилиб олди.

Үйқуга кетаётган шаҳар бўйлаб оқшомги, баъзан эса, тунги сайдарлар аввалига унга ғалати, файриодатий туюлди, ҳатто ғашини келтирди, чунки қимматли вақтини бекорга исроф қилгиси келмасди, кейин, бора-бора бунга кўнишиб кетди ва бу сайдарларни яхши кўриб қолди чамаси, зинадан даҳлизга тушиб келиб, эшик олдида мунтазир турган шофёрига: «сен бугун бўшсан!» деб жавоб бериб юборадиган бўлди.

Мухторхон бу кечки сайдарларни шифокорларни нимадандир ташвишга солиб қўйган, улар сўнгги пайтларда жуда эҳтиётини қиласиган бўлиб қолган юраги туфайли эмас, балки «ахир одам бир кеча-кундуз мобайнида ақалли ярим соатгина ўз-ўзи билан танҳо қолишга ҳаққи бор-ку, ахир умр ҳам оқар сувдек ўтиб, ёш ҳам бир жойга бориб қолди, бу вақт ичида бошидан қанча-қанча воқеа-ҳодисаларни кечирмади, озмунча иш қилиб қўймади, буларнинг ҳаммасини сарҳисоб қиласиган пайт етди», деган андишага бориб одат қиласиганди.

Мухторхон қиласиган ишлари, кўрган-кечиргандарни ҳақида фâқат сайд қилиб юрган кезларидағина хаёл сурмасди. У рўёбга чиқарган асарлари ҳақида кўп ўйлар, уларда қўлга киритган ютуқлари, йўл қўйган камчиликларини билолмай қийналар, эрталабки нонушта пайтида ҳам, ҳаворанг «Волга»сида ишига кетаётганида ҳам, хонасида ёлғиз қолиб, бўлғувси тамошалар учун танланган кийимлар ва безакларнинг хомаки нусхаларини кўздан кечираётганида ҳам тинмай шулар ҳақида ўйларди. Уни ўз ижодий ишларидан кўнгли тўлмаслигигина бунга мажбур этмасди: ижодкор одам ҳеч қачон чўққини эгалладим, деб айтольмайди. Хизматлари эвазига катта

обрў қозониб, буюк санъаткор сифатида ном чиқарган кимсан Мухторхоннинг шаънига айтилган сўзлар, ноҳақ, шафқатсиз таъналар, худди шундай эгри кўнгил одамлар томонидан отилган бўхтон тошлари уни бундай қилишга мажбур этарди.

Башарти Мухторхонга, сени худди мана шу таънали ва шафқатсиз сўзлар хаёл суришга, ўз ёғингга ўзинг қовурилишингга мажбур қиласпти, дейиладиган бўлса, у буни ҳеч қачон бўйнига олмаган бўларди.

Ўшанда, танқидчи Қадимиининг мақоласи босилиб чиққан куни, бадиий кенгашнинг барча аъзолари, нафақат бадиий кенгаш аъзолари, балки, ҳамма эшитсин учун Мухторхон баланд овоз билан шундай деди:

— Мен ҳурматли бадиий кенгаш аъзоларидан театрни аллақандай чаласаводдан... санъат соҳасига ноўрин аралашиб юрган қаллобдан халос қилишларини сўрайман. Бу одам билан баҳслашиб ўтиришнинг фойдаси йўқ, агар истасангиз, ҳатто, жиноят деб айтган бўлардим.

Шу билан Мухторхон ўша мақоладаги аччиқ сўзларнинг ўзига қаратилган бутун заҳрини гўё йўқ қилгандай бўлди. Лекин заҳрини йўқ қилатуриб, бироннинг ноҳақлиги туфайли қалби яраланиб қолганини сезмаган эди. Қенгаш мажлисидан сўнг унинг мазаси қочди. Аҳволини жуда оғир деб бўлмаса-да, кўкраги бир неча дақиқа ачишиб оғриди ва томоғига қаттиқ бир нарса тиқилгандай бўлди. Мухторхон йиқилиб тушмаслик учун хонасидаги столнинг қиррасидан ушлаб қолди. Аммо бу ҳолат бор-йўғи бир нафасгина давом этди-ю, ўтиб кетди. У ўзини яна енгил ҳис қилди, тетикланди ва бу оний беҳолликни қаттиқ чарчаганидан кўрди.

Бугун жуда серғалва кун бўлди. Иккинчи кўринишнинг монтажи негадир ҳеч қовушмади, режиссёр ёрдамчиси касал бўлиб ишга келмади, ҳамма нарсага бошқош одам бетобланиб қолдими, иш олдинга босмай, ишкал чиқаверди.

Жароҳат ҳадеганда битиб кетмади. Мухторхон буни сезмаса-да, танасини нимадир кемираётганини ҳис қиласди. Ярани шифокорлар аниқлашди. Навбатдаги кўрик пайтида бу улуғ инсоннинг юрак деб аталмиш мотори бежо ишлётганлиги маълум бўлди. Кейинроқ Анвар, Мухторхонни даволовчи шифокор, шунчаки унга тайинлагандек:

— Юрак фаолиятини рағбатлантириш керак... Ҳаракат қилиш керак, ошнам, ҳаракат,— деди.

У шифокорларнинг огоҳлантиришларига ҳам қулоқ солмади. Уларнинг огоҳлантиришларини ҳалиги нодон ва қаллоб санъатшуноснинг айниомасини рад этгандек тўғридан-тўғри рад этмай, эътибор қилмай қўяқолди. Буни парво қилиб ўтиришга арзимайдиган нарсага йўйди, орқага ташлаб, унугиб юбориш мумкин, деб ҳисоблаб, унугиб юборди. Мухторохоннинг табиати четдан бўладиган зуғумни кўтармасди. Баъзан, ҳатто фойдали маслаҳатгўйлардан жаҳли чиқарди. Борди-ю, спектакль талқинида бирон нимани ўзгартирса, буни узоқ мулоҳазадан кейин, шунда ҳам дўстлари, танқидчилар тавсия қилган йўналишдан тамоман бошқача йўналишда амалга оширади. Мухторхон ўзгартирилиши муқаррар бўлган нарсани ўзи пайқар ва уни ўзгартирас, бундан унинг фикрича, асар ютар эди. Яхши нарса аъло бўлиб қолиши мумкин. Мукаммаллик эса — санъаткорнинг бутун инилишларидан кузатган мақсади шу-да!

Шундай қилиб, у ўйкуга чўмган шаҳар бўйлаб ярадор ҳолда юриб борар экан, яраси тузалмаслигидан бехабар, сезилмас оғриқ уни ниманидир излашга, қандайдир тушуниб бўлмас қониқмаслик азобини тортишга мажбур қилаётганини билмасди. Сайрлари ҳордик чиқариш онлари бўлмай, фикр ва ҳис-туйғуларининг иш соатлари бўлар эди.

У гоҳида ўзининг ёлғизлигидан безор бўлиб кетар, ҳаммадан ажралиб, якка-ёлғиз бўлиб қолгандай туюлган пайлари унинг ҳаёт билан энг шиддатли, энг қизғин кураш онлари бўларди. Бунга ҳеч ким, асло ҳеч қим, ҳатто хаёлан ҳалақит бермаслиги лозим эди. Бир куни Мухторхон ҳаво ранг «Волга» кўчанинг соя томонидан сездирмай, оркасидан эрганиб келаётганини, садоқатли ва олижапоб Ҳамид уни кузатиб қўйишга уринаётганини ногоҳ кўриб қолди-да, оркасига қайтиб бориб, машинанинг эшигини шартта очди-ю:

— Бундай қила кўрма... Ҳеч қачон бу ишни хаёлинингга келтирма! — деб уришиб берди.

Шу-шу Ҳамид уни оркасидан кузатмайдиган бўлди. Борди-ю, Ҳамиднинг калласига хўжайинини уйигача сездирмай кузатиб қўйиш фикри келганида ҳам, бундай имкониятга эга бўлмасди. Айнан ўша баҳорда Мухторхон Ҳамид ишлайдиган муассасадан кетган эди.

Ўша баҳор кечикиб келди. Юракни сиқадиган совуқ ёмғир тинмай ёғарди. Ундан баҳор — мартнинг эмас, январь — қор ҳиди келарди. Кўча ҳувиллаб қолган. Совуқ одам этини жунжиктиради. Ҳаммаёқ зах, Бу юракни

сиқувчи захдан қаёққа қочиб қутулишни билмасди одам. Лекин ўша куни ёмғир бирдан тиниб, булутлар тарқай бошлади. Баданга иссиқ теккандай бўлди. Ҳар қалай кечга бориб, кўчалар қуриб қолди ва Мухторхон соябонини ҳам олмай, одатдаги сайрига чиқиб кетди. Унинг кайфи чоғ эди, ёмғирпўшини билагига ташлаб олган ҳолда йўлкадан бардам қадам ташлаб борарди.

Инсон ҳаётида ўз йўлидаги бурилишни ҳали кўрмай турӣб, бурилмоқчи бўлган онлар ногоҳ кечади. Бундай онларда унинг юраги ҳам қувонч, ҳам хавотир билан тўла уради. Хавотирдан кўра унда қувонч кўпроқ бўлади, албатта.

Мухторхон ўзининг ҳаяжонга тўла хаёлларига берилиб кетиб, бирдан кишини маст қилувчи ҳидларни уфуриб, апрель шамоли турганини, кетидан ёмғир шаррос қўйиб юборганини сезмай қолди. Бу энди ҳақиқий баҳор ёмғири эди.

Институтга қайтиши керак. Чунки уйига қараганда институт яқинроқ эди. Мухторхон қаёққа боришини билмай иккиланиб қолди. Ёмғир юзини савалар, сув томчилари кўзларини очирмасди. Қочиб қолиш керак. Ёмғирпўши ёпиниб олиб, қочиши керак. У бўлса ҳамон хаёл суриб турибди. Бунақа вазиятларда қайтиб кетиш табиий ҳол бўлса ҳам бу унинг эндигина мослашаётган руҳиятига малол келди. Ярим йўлдан қайтиши яхшилик нишонаси эмасдай туюлди, уни қўрқитиб юборди. Йўқ, институтга қайтиб бормайди!

У ёмғирпўши бошига, ҳўл соchlари устидан ёпинди: худди паранжили аёлдай уйи томон шаҳдам юриб кетди.

Хотини, нозиккина, майин, меҳрибон, Мухторхоннинг шодликлари, ғаму ташвишларига ҳамиша шерик Нигора, эрини остонаяда ташвишли нигоҳ билан қарши олди.

— Нима бўлди?

Ҳаммаёғи ёмғирдан шалаббо Мухторхон хотинини кифтидан қучди-да, уни баттар ҳайрон қолдириб илжайди, қулоғига секин пичирлаб:

— Бўлди, жонгинам... — деди.

Нигоранинг кўзларидаги қўрқув ўчмади. Лекин у баттар ҳайрон бўлди.

— Нима бўлди? Одамни қнийнамай гапира қолсангиз-чи...

У ҳамон куларди. Бу кулги беғубор, қувончли, ўз баҳорини топган одамнинг кулгиси эди.

— Мен институтдан кетяпман...

Нигора унинг қувончининг тагига етмаганлиги учун буни тушумади.

— Ахир у ер туғилиб ўсган даргоҳингиз-ку!

— Ҳа, институт ўз уйим. Лекин мени фарзандим ўзига чорляяпти.

— Театрми?

— Театр, жонгинам.

Нигора бошини чангллади.

— Ахир у ерда иш яхши эмас... Жудаям расво-ку!

— Боланинг аҳволи оғирлашган пайтда ота-она унинг ёнида бўлиши керакмасми?!

II

Институтдан кетишнинг ўзи бўлмасди. Нигора институтни туғилиб ўсган уйингиз, деб атади. Чиндан ҳам Мухторхон учун институт азиз даргоҳ эди. Фақат Мухторхон учунгина эмас, у кўпларни ўқитиб, одам қилган эди.

Мухторхон кичкина хиёбондаги баланд қайрағоч остида туриб, институт остонасини илк бор хатлаб ўтган дамларини эслашга уринарди.

У прожектор нурлари билан равшан ёритилган оппоқ бинога тикилиб қаради. Тун пардаси ичида бино худди қоятошдан кесиб олинган каттакон чорқирра устунга ўхшаб кўринарди. Бу устуннинг адл қоматида ва оппоқлигига аллақандай тантанаворлик ҳукм сурар эди.

Уни қаср деб атагиси, бу қаср олдида таъзим қилиб, шу куйи эгик, боши билан видолашгиси келарди.

Мухторхон ҳамкасбларига ректор билан чиқиша олмаганлигини важ қилиб, институтдан кетганига икки йил бўлди. Кетишининг ҳақиқий сабабини ўзи биларди-ю, лекин бу сирни на ўзига, на дўстларига очгиси келарди. Гапига эса ҳеч ким ишонмади. Театрдагилар Мухторхоннинг бу ҳаракатини ўзларича изоҳладилар. Турган гапки, тўғри изоҳладилар.

Бу такасалтанг, ҳазилкашлар подшоси Мансур актёрлар даврасида шундай эди: «Эҳтиёт бўл, гвардия. Оғамиз ҳандайдир зўр ишни ўйлаб юрибдилар!» Айнан нимани ўйлаб юрганини айтмаса ҳам, лекин актёрлар фаросатли ҳалқ эмасми, бу огоҳлантириш уларни қўрқитмади, аксинча хурсанд қилди. Мұҳими, Мансурнинг бу ҳазилидан сўнг театрдагилар Мухторхонни «оға» деб атайдиган бўлиб кетишиди.

Зўри шундан бошландики, Мухторхон Мансурга бирдан қирол Лир ролини топширди. Газеталарда «Ажойиб тасодиф», «Санъаткор тажрибасими ёки қонуниятми?» — деган мақолалар босилди. Мухторхоннинг таниши, таниқли театршунос танқидчи ҳам актёр тўғри танланганлигига шубҳа билан қаради, аммо спектаклдан сўнг қойил қолиб: «Ақл бовар қилмайди, лекин бу ҳақиқат», деди.

Мазкур «зўр иш» ҳам Мухторхонни «оға» лақабидан халос қилмади. Бу ҳазил Мансурдан чиққанлигини билиб, Мухторхон ундан ранжиган бўлди. Мансурдан норозилигининг сабаби фақат лақабда эмасди. Мансурнинг интизомсизлиги унинг ишига халал берарди. Бир куни у машққа кўзлари қовжираб, юзлари шишиб кетган, карахт ҳолда кириб келди. Бош машқ барбод бўлди. Асосий санъаткор формада эмас, буни ҳамма биларди. Албатта, расмият юзасидан матини «ҳайдаб» мизон саҳналарни такрорлаб, машқ бўлди, деб ҳисоблаш мумкин эди. Аммо «оға» сохталикни жинидан ёмон кўрарди. У бароқ қошлиарини чимириб, Мансурга қараб тўнфиллаб:

— Сиз бугун бўйсиз, — деди.

Уни ишдан четлатмади. Мансур театрда, ўша ролида қолди, у навбатдаги машққа тетик, эгарланган отдаётайёр ҳолда келди.

Бош режиссёр шаънига айтилаётган пичинглар тўхтамади. Мансур Мухторхонни асқия қилишда давом этди. Бир куни Мухторхонни актёrlардан бирининг туғилган кунига таклиф этишиди. Ҳар хил меҳмондорчиликларга хуши бўлмаса ҳам, зиёфат сабабчинининг дилини оғритмаслик учун, у бирров кириб «чақалоқ»ни табриклаб чиқмоқчи бўлди. У келган пайтда зиёфат авжига чиққан. Мансур стулга чиқиб олиб, нутқ сўзламоқда эди.

— Шундай қилиб, азизим, — Мансур жарангли овозда дона-дона гапириб, қошлирига ёпишириб олган узун, оқ тукларни оҳорли дастрўмоли билан силаб қўйди. — Гарчи бугун роль ўйнайдиган аҳволда бўлмасангиз-да, афсуски сизнинг хизматингииздан воз кечолмаймиз ва мислсиз сабот-чидам билан, биринчи актнинг биринчи қисмини кўриб чиқамиз...

Меҳмонлар Мансурнинг ҳазилини гуррос кулги билан қаршиладилар.

«Бу ярамас менга тақлид қиляпти!», деган гап ўтди Мухторхоннинг кўнглидан. Лекин ўзини гўллиқка солиб:

— Офарин, офарин! Бу сизнинг энг ажойиб монологларингиздан бири бўлса керак,—деди чапак чалиб.

Мухторхон фикр хаёлни банд этган ниятини амалга оширишга бу майда-чуйда ҳазиллар ҳалақит бермаслиги учун ҳам уларга парво қилмади, ўзини булардан баландроқ тутди.

Мухторхон одамларнинг нуқсонларини кечиришини билар, улар билан муроса қилиб кетишига қодир одам эди. У инсон қалбида эзгулик мавжудлигига ишонар ва шу эзгуликни эҳтиётлашга интиларди. У билан бирга ишлайдиганлар истеъодди одамлар эдилар. Санъатда энг қимматли хислат истеъодд эмасми?! Истеъодни эҳтиёт қилиш лозим. Мухторхон табиат инсонга инъом этган бу фазилатга айнан шундай муносабатда бўларди. У истеъодди одамларни яхши кўрарди. Мансурни келажаги порлоқ фавқулодда шахс сифатидаги севарди. Чиндан ҳам Мансур бу юксак чўққига осонлик билан кўтарилимаган, унинг йўли машаққатли бўлган, айниқса, шу нарса Мухторхоннинг диққатини тортарди. У ёш актёрга ёрдам берарди. Мансурдаги қунт, тириш-қоқликни кўра била туриб, унга лоқайд қаролмасди. Лекин Мансур ҳамма вақт ҳам ўзини бирдай тутиб юролмас эди. Мухторхон актёрнинг маҳоратини юксалтиришда, уни мақсад сари йўналтиришда ўз кучини аямас, у билан спектаклдан кейин театрда бир неча соатлаб ишлар эди. Одамлар ундан воз кечишини бир неча бор маслаҳат бердилар, унда санъаткор бўлишга лаёқат йўқ, дедилар. Аммо у Мансур қиёфасида улкан санъаткорни кўрар, уни тарбиялар эди. Мана энди театрни ҳеч ким Мансурсиз тасаввур этолмайди...

Яна муздек ёмғир шивалаб, Мухторхоннинг бўйнига бир неча совуқ томчи тегди. У бир сесканиб, ўзига келди, институт рўпарасидаги хиёбончада шунча вақтдан бери турганлигига ҳайрон бўлди.

Ёруғроққа ўтиб, нимчасининг чўнтагидан узун занжирга осилган ён соатини олди — вақт ўн бирдан ошиб қолибди. «Ўҳ-ҳў, азизим, роса дайдибмиз-ку, — деди у ўзича ва шу ондаёқ ўзини гўё оқлагандай қўшиб қўйди: — Шу ерга келганда қадрдон ошнангизни кўрмай кетишингиз одамгарчиликдан эмас!»

Институтнинг эшиги қулфланмаган экан, осонгина, ғирирламай очилди.

Вестибюлнинг полига худди шахмат тахтасидай пушти ва оқ мармар плиталари ётқизилган, чап тарафда бир неча авлод студентларга-ю, барча профессорларга

таниш бўлган тахта каравотда Ҳусайн чордана қуриб ўтиради.

Бу каравотни Ҳусайннинг ўзи урушдан олдин ясаган. Унинг тузилиши жуда оддий, бир пасда йиғишириб, янги жойга кўчириш мумкин эди. Ёз оқшомлари Ҳусайн уни ташқарига олиб чиқиб, институтга кираверишдаги эшик олдига қурарди, эрта билан эса йиғишириб, иккинчи қаватга чиқадиган кенг зина тагидаги хоначага жойлаб қўярди.

— Тинчликми ўзи, Мухторхон! Сенинг ёшингда бунақа ҳавода юриб бўларканми! — деб, Ҳусайн дарҳол оёғига кавушини илди, меҳмонга яқинлашиб ёмғирпўшини ечишга ёрдамлашди. Мухторхон бутун деворни эгаллаб турган катта қўзгуда ўз аксини кўриб: «Ҳм-м», деб қўйди. Кўзгуда худди саҳнадагидек вестибулоннинг бутун чап тарафи кўриниб турарди: Ҳусайннинг тахта каравоти (Ҳусайн бу пайт ўз жойига чиқиб олиб, дастурхонга нон ушатаётган эди), уч оёқли темир осгич, кундузи орқасида навбатчи қоровуллар ўтирадиган, ямъяшил рангга бўялган тахта тўсик.

— Ҳусайн, яхшигина мизон саҳна-я! — деди Мухторхон каравотнинг бир чеккасига ўтираётib.

Ҳусайн унга пиёлада иссиқ чой узатди.

— Эшитишимча, сен «Гамлет»даги барча ролларни тақсимлаб бўлибсан-у, лекин Гамлетнинг ўзи йўқ эмиш. Шу ростми? — деб сўради Ҳусайн.

— Қандай жимжитлик, роҳатижон! — Мухторхон саволни эшитмагандай сўлиш олди.

Ҳусайн билан у ўттиз йилдан бери — урушдан олдин у бу ерда боғбон ва тунги қоровул бўлиб ишлай бошлиганидан бўён таниш эди. Ақл бовар қилмайди, лекин шундай бўлганки, улар ҳаётларидаги биринчи ва охирги нохуш воқеадан кейин дўстлашиб қолишган.

Мухторхон талабалар театрига кечикаётган эди. Палтосини наридан-бери илгакка ташлаб, томоша залига шоилинч йўл олди. Кутилмаганда унинг йўлини давангирдай Ҳусайн тўсади.

— Сен нега калишда юрибсан! — деб ғўлдиради у, қўлидаги калтак ё темиртакни ўйнатиб. — Ҳозир мен сенга уйга киришдан олдин ифлос оёқ кийимни нима қилиш кераклигини ўргатиб қўяман! Профессор! Соч қўйиб, бўйнига бўйинбоғ боғлаб олганига ўлайми бу кишининг!

— Секинроқ, барака топкур, секинроқ! — Мухторхон кечирим сўрагандек қўлини қўксига қўйиб, яшил ранг

шимининг почасини этик қўнжига қистирган, тиззаси-
гача етар-етмас калта беқасам тўн кийиб олган даван-
гир қоровулга пастдан ҳадиксираб қаради.

Мухторхон калишини ечиб, қўлига олиш учун эн-
гашди.

— Майли, шу ерда қолдириб кетавер, — деди унга
марҳамат юзасидан қоровул, қўлидаги темиртаги билан
калишини устун орқасига суриб қўяркан.

Орадан кўп йиллар ўтди, урушдан кейин Ҳусайн-
нинг мўйлови ва чўққи соқолини ҳаётнинг ғам-ташвиши-
ри оқартириб бўлганда Мухторхон ундан сўради:

— Ўшанда мени чиндан ҳам калтакламоқчи эдин-
гизми?

— Йўғ-э. Шунчаки кўчага улоқтириб ташлардим.
Кичкиналарни урадиган одатим йўқ. Ўзинг нимжонгина
бўлсанг. Елкангга қўлимни қўйсам, ерга кириб кетасан,
сені уриб барака топиб бўларканми, — деди Ҳусайн
қўй қўзларини шўх чақнатиб. — Агар гапнинг ҳалолини
айтсам, биринчи қўришимдаёқ кўнглимга ёқиб қолган-
сан. Ўзинг кичкинасан-у, бошинг мана бундай! Пешо-
нангни кенглигини айтмайсанми?! Қалласи бутун йигит
деб қўйғанман ўзимча. Яхшиям ўшанда қўлимни киф-
тингга қўймаган эканман, шундай машҳур одамнинг
умрига мурғаклигига даёқ зомин бўлар эдим.

Ҳусайн ўз ҳазилидан ўзи хурсанд бўлиб, хохолаб
кулди.

— Э, мен қанақасига машҳур бўлай, — деди минғил-
лаб Мухторхон. — Ҳа, айтгандай, сен нега ўқишни да-
вом эттирмадинг? Билишимча, сен яхши боғбон бўлиб
етишишинг мумкин эди.

— Акаларим уйланиб, бўлак бўлиб чиқиб кетишган.
Мен билан онам, ёш хотиним яна бир этак бола қолган-
миз. Уларни боқиши, кийинтиришнинг ўзи бўлмасди-да!

Ҳусайн кузда кўпроқ ҳосил йиғиб олиб, бозорда
сотиш, ортирган пулларига эски уйнинг у ёқиб ёғини
тузатиб, оиласини энг зарур кам-кўстини бутлаш, уни
ўзгаларага муҳтоҷ қилмаслик учун ҳордиқ кунлари ўз
боғида тонг саҳардан то кечгача тинмай ишларди.

Ўша воқеадан сўнг Мухторхон бетоб бўлиб қолди.
Упкаси касалланган эди. Ў қийинлик билан жуда секин
тузаларди. Юришдан кўра кўпроқ ўтиради. Озиб, дар-
монсизланиб қолган Мухторхон кунини катта чарм крес-
лода ўтказарди. Январь кунларининг бирида у ўзининг
шоир дўсти билан «Гамлет»нинг янги нусхасини ўқиб
ўтиришганида, тўсатдан Ҳусайн кириб келди. Қоровул-

ни таниш жуда қийин эди. Ўнинг эгнида пахталик көржома ўрнига ажойиб тикилган коверкот костюм, келишириб боғланган галстук, бошида янгиана Марфилон дўппи.

Мухторхон эсамкираб қолди. Шоир ўрнидан турди, ҳурмат билан стулни суриб, Ҳусайнга ёнидан жой кўрсатди.

— Менга сени касал деб айтишди, — деди Ҳусайн суриб қўйилган стулга эътибор бермай. — Мен... ҳалиги... мана, сенга озгина мева-чева олиб келувдим — ҳаммаси ўзимнинг бофимдан. — Ҳусайн стул устидаги ҳар хил қофозларни йифиштириб ташлаб, ўрнига катта сават тўла тилла ранг олма, нок, анорларни қўйди.

Шоир нима бўлаётганига тушунмай, ҳангуманг бўлиб, Мухторхонга қаради.

— Фофор, марҳамат, танишиб қўй, — деди Мухторхон, — бу дўстим Ҳусайн.

Ҳусайн Фофорга қараб мулоим кулиб қўйди, костюмини ечиб стул суюнчигига илди.

— Синглим, битта коса бергин! — деди Ҳусайн орқасидан кириб келган Мухторхоннинг хотинига. — Хўжайнингни бир шарбатга тўйдириб қўймасам!

Иккита катта-катта анорнинг сувини сиқиб, Ҳусайн лим-лим тўла косани Мухторхонга узатди.

— Энди ҳар ҳафтада мева олиб келаман, — деди у ҳеч қандай эътироzга ўрин қолдирмай. — Соғайгин! Бажор келсин, сени хотининг билан уйимга қўчириб олиб кетаман. Бизнинг Кўкчада ҳаво тоза, шифобаҳш... Сен ҳам, йигитча, энди борақол! Кўряпсанку, бу одам чарчаган.

Фофор ўрнидан ирғиб туриб, мезбонга ҳайрон тикилди.

— Ўтиравер! — деди Мухторхон... — Ҳозир давом эттирамиз...

— Нимани давом эттирасиз?! — Ҳусайн уй эгасининг гапини чўрт кесди. — Йигитча, мен сенга айтдим-ку, ахир: у чарчаган, дам олиши зарур! Эртага келасан. Қани юр, юрақол!

У ўзининг бесўнақай қўлини шоирнинг елкасига ташлаб, эшик томон олиб кетди.

— Сен, йигит, хафа бўлмагин. Сен уни қадрлайсанми? Қадрлайсан! Мен учун ҳам у қадрли. Шундай экан, уни эҳтиётлашимиз керак...

Ҳусайн чиндан ҳам, ўрник гуллаши билан файтунда

келиб, Мухторхон билан хотинии Кўкчадаги уйига олиб кетди.

Кўкча — шаҳарнинг чеккаси: саккизинчи трамвайнинг охирги бекати шу ерда; тош кўча ҳам шу ерда тамом бўлади; Кўкчада чиройли чойхона, кабобхона, турли хил моллар билан савдо қилувчи кўпгина магазин ва дўкончалар, дорихона, сартарошхоналар бор; бу ердан, худди дарёнинг ирмоқлари сингари, пахса деворлар билан чегараланган тор, тинч кўчалар, ҳар томонга қараб таралиб кетарди. Мухторхон девор ичидаги ҳовлиларга, мўраламоқчи бўлиб, олдинги ўриндиқда ўтирган Ҳусайннинг елкасидан ушлаб, ўрнидан турди. У доим ҳаётни четдан кўргиси келарди.

— Эй, сен ўтиравер, бари бир бу дараҳтлардан ҳеч нарсани кўролмайсан, — деди Ҳусайн гўё унинг ўйларини уққандай. — Яхшиси бу ерга кўчиб келгин, ўшанда кимнинг қандай яшаётганини билиб оласан, ҳар бир ҳовли ўзича бир китоб, ҳатто театр дейиш ҳам мумкин!

Ҳусайннинг уйи кўчалардан бирининг охирида экан.

Ҳовлиниг ҳамма ёғи гулзор, озода, шинам. Дарвозадан ўнг тарафда айвон устунлари ўймакорлик билан нақшланган уй, чапда—қишда мева асрайдиган омборхона. Гулзорнинг шундок орқа томони боғ — олма, иок, шафтоли, гилос, ўрик... Дараҳтлар ён бағрлари қалин бутазор билан қопланган, тубидан ариқ оқиб турган катта жарликка бориб тақалган. Жарликнинг нариги тарафида шудгорланган далалар ястаниб ётарди.

Атроф жимжит, роҳатбахш. Тиқ этган товуш йўқ...

Мухторхон ариқдан хатлаб ўтиб, гиламдай очилиб ётган сунбулларга кўзи тушди.

Ҳар йили у ўз уйининг бурчагида гул сотувчи бир ногиром одамдан хотини учун гулдаста сотиб оларди. Гуллар тугагач, янаги баҳоргача ногирон ҳам кўринмай кетарди.

Мухторхон кўплан бери сунбулларни ўз ҳолича очилиб ётганини кўрмаганди. У чўнқайиб ўтири, гулнинг нозик ҳидини тўйиб ҳидлаб, бармоқларининг учини эҳтиёткорлик билан улардан бирига текказди.

— Улар жуда мағрур бўлади, рақибларини чиқиши тирмайди! Кўряпсанми, яқинида битта ҳам бегона гул йўқ. Аммо лекин мен буларни яхши кўраман. Бу гулда катта эзгулик кучи бор, эзгуликни у инсонга такдим этади. Емон одам сунбулни қўлига олса, дарҳол ўзгаради: у раҳмдил, меҳрибон, мулоийм, ғамҳўр бўлиб қолади. Сунбул ўзининг бутун гўзаллиги ва эзгулигини

одамларга тақдим этгач, ўзи ҳалок бўлади, — деди Ҳусайн Мухторхоннинг ёнига ўтириб.

— Сен жуда файласуф бўлиб кетибсан-ку! — Мухторхон Ҳусайннинг сунбуллар тўғрисида худди жонли мавжудотдай гапиришига ҳайрон бўлиб, кулиб қўйди.

Ҳусайн уялиб қолди.

— Мен шунчаки бир гапни айтдим, қўйдим-да... — У дўпписини пешонасига суреб, энсасини қашиди.

Август ойидаги отпускасини Мухторхон Ҳусайнникида ўтказди. Унинг қаёққа кетиб қолганини ҳеч ким билмасди.

Янги мавсумнинг очилиши арафасида у театрга келди, бутун труппани томошабинлар залига йиғиб, саҳнага олиб чиқиб қўйилган креслога, ўзининг одатдаги жойига ўтирди, қордай оппоқ рўмолчаси билан қалин қошлиарини силаб, секингина йўталиб қўйди.

— Хўш, ишни бошлаймизми?! — деб сўради у, партнернинг биринчи қаторида ўтирган актёрларга қараб. — Шундай қилиб, Гамлет, Дания шаҳзодаси ролини Мансурга топширамиз. Раҳим Горациони ўйнайди, Назира Дания қироличаси, Гамлетнинг онаси — Гертрудани... Бурхон Дания қироли Клавдийни...

Ролларни тақсимлаб бўлгач, Мухторхон бадний бўлим мудиридан пьеса текстини спектаклда иштирок этувчиларнинг барчасига тарқатишни сўради. Ўрнидан туриб, театр колективини навбатдаги мавсум очилиши билан табриклиди.

— Эртага «Бой или хизматчи». Унда қатнанидиганларнинг тайёрланишларини сўрайман. Йигирма минутдан кейин бошлаймиз. Қолганлар бўш, — деди у залда ҳукм сураётган ғалати жимликка ҳайрон бўлиб.

— Бирор гап бўлдими? — деб сўради у ёрдамчи режиссёрдан паст овоз билан.

— Бу сафар сиз қандайдир бошқачароқ бошладингиз, — деб жавоб берди у каловланиб.

— «Қандайдир»ингиз нимаси?

— Сиз ҳамма вақт, олдинига табриклар эдингиз, кейин эса...

— Ҳақиқий қутловлар эртага бўлади! — деди Мухторхон жаҳл билан. Кейин қўшиб қўйди: — Агар аъло ижро этишса.

— Мансур қаёқда-ю, Гамлет қаёқда. Ахир ҳамма ҳайратда, ёқасини ушлаган, — ёрилди қулоғигача қизарип кетган ёрдамчи режиссёр.

— Асабларингизни жиловлаб олинг, азизим, — таъ-

кидлади Мухторхон. — Демак, кимлардир Мансурнинг Гамлетни ўйнай олишига ишонмас экан-да? Биз биринчи постановкамизни қўяётганимизда ҳам баъзи бировлар, Ахрорхўжани қурби келмайди, дейишганди. Чеккачеккада: «Мухторхон эсини еб қўйибди», — деб ўзаро шивирлашишган. Ҳозир бўлса, дўстим Ахрорхўжа — театrimизнинг биринчи олтин саҳифаси, — дейишяпти. Сиз бизда яқиндан бери ишлайapsiz, тарихни чуқур ўрганишингизни, илмга юзаки қарамаслигингизни сўрайман!

У залга тушиб, ўрта қатордаги ўзининг доимий жойига ўтириди.

Унинг чап тарафида театр директори, ўнг тарафида режиссерлар, олдинги қаторларда спектаклда қатнашмаган артистлар, рассомлар, костюмчилар ўтиришарди.

Учинчи қўнғироқдан сўнг залда чироқ ўчди.

— Нима гап бўлди, Мухторхон? — театр директори Ҳабиб у томонга энгашиб сўради.

— Ҳоли жойда гаплашадиган гап, Ҳабиб, холи жойда!

Мухторхоннинг «холи жойда» деган иборасидан Ҳабиб ундан бирор нимани сўраб, билиб бўлмаслигини фаҳмлади.

Репетициядан Мухторхон мамнун бўлди. У спектаклни бошқариб борган ёш режиссернинг қўлнини илиқ қисди, қўлларини баланд кўтариб, актёрларни олқишилаб, чапак чалди.

Санъат оламида катта шон-шуҳрат қозонган бу одамнинг ўз ҳамкасларининг ишларига қаичалик юксак баҳо берганлигини бугун театрда билмаган одам йўқ эди.

Деярли бир-йилдан сўнг, апрель ойида «Гамлет»нинг премьераси бўлди. Газеталар мақтовга тўла тақризлар босиб чиқарди. Айниқса, Мансурнинг шаънига кўп мақтовлар айтилганди, у буларга парво қилмади, унинг номини шу кундан бошлаб қомусга агадий ёзиб қўйиап бу шон-шуҳратдан зигирча ҳам ўзгармади.

«Ўлиб-кетиб колмасимдан, токи чиройли кўзларингиз ўнгига савлат тўкиб турган эканман, мендан ўрганинглар, — деб ёш артистлар билан ҳазиллашарди Мансур. — Мен буюк артист сифатида, албатта, текинга эмас, агар шампан виноси билан ясатилган дастурхон бўлса, ўз маҳоратимнинг баъзи сирларини очардим. Аммо, қайта айтаманки, фақат баъзиларини! Ҳаммасини билиб олиш учун бир-иккита зиёфат кифоя қилмайди»...

Бир куни, танаффус пайтида Мухторхон Мансурнинг хонасига кирди,

Мансур бошини орқага ташлаб, кўзларини юмиб олган, ранги синиқсан, пешонасида тер маржонлари тизилган ҳолда кўзгу олдида ўтиради. Унинг бу ҳолати атрофдагиларни бутунлай тарк этганини ифодаларди.

Ташқаридан Бурхон — қирол Клавдийнинг гулдираган овози эшитилди:

— Қани менинг энг ёвуз душманим, Гамлет?

Мухторхон шошиб ташқарига чиқди, бу бесўнақай гавдали, ваҳиманинг ини Бурхонга урилиб қетишига сал қолди.

— Жим! Қўй, дам олсин! — деди Мухторхон бармоғини лабига босиб.

— Устоз, ўзингизнинг энг севимли қиролингизни шаҳзода Гамлетнинг ҳийла-ю, найрангларидан холос этинг! Ҳеч кун бермаяпти, нафас олдиргани қўймайди! — деди Бурхон, шоҳона қиёфага кириб, бетакрор овози гулдираб.

— Сени ҳафа қилиб бўлармиди, айнқ! — деди қўлида буғи чиқиб турган бир пиёла чой кўтариб келаётган Назира — Дания қироличаси Гертруда, хиринглаб ва виқор билан юриб ўтиб кетди.

— Кўрдингизми, устоз, ҳаммаси қиролга қарши. Ўз фуқароларига нисбатан одилларнинг одили бўлмиш мендек одамга юрагимни бўшатиб, ҳасрат қилишга имкон беришмайди. Агар билсангиз, қироллар ҳам инфаркдан ўладилар, — деди у Назиранинг ортидан бақириб.

Саҳнада декорацияларни ўзгартираётган ишчилар кулиб юборишиди.

— Ҳазрати олийлари, сиз ҳақсиз. Бу ерда гаплашгани қўйишмайди. Агар менинг кабинетимга ташриф бу юришни лозим топсалар, бошим осмонга етарди. — деди Мухторхон ҳам сўз ўйини қилиб.

Кабинетга кириб, Бурхон чарм креслога ястаниб ўтириди.

— Утган куни, — дея гап бошлади у, — мен радиодан гонорар олдим. Ҳар сафаргидек спектаклдан сўнг Мансур билан уйға бирга кетдик. Яқин қўшнимиз. Хадрадаги бекатда трамвай пойлаб турган эдик. Бирдан Мансур, ресторонга кириб, қиттак-қиттак отмаймизми, леб таклиф қилиб қолса бўладими. «Пул бор, мен меҳмон қиласман», — деди. «Бу зиқнадан ҳам умрида бир марта ёруғлик чиқар экан», деб ўйладим ўзимча.

У ёғи нима бўлди денг? Мен энг таисиқ таомлар,

яна оби зам-замдан ҳам буюрдим. У бўлса тўламади. Чўнтағидан уч процентли заём облигацияларни чиқарди. «Эй, жин урсин! — дейди у иблис. — Тунда адаштириб чўнтағимга солиб олибман. Майли, бўлар иш бўлди, кима ҳам қиласардик, тўлаб юбор. Олдингда қарздорман— иккита ресторан мендан». Кейин ростакамига шундай хижолат тортики, мен турган гап, олижаноб инсон, ҳақиқий эркак, содиқ дўст сифатида уни тинчлантиридим ва ҳақиқий қиролдай официантга бир даста пул ташладим. Бугун бўлса, у ўша облигацияларга катта ютуқ чиққанини ўртада ҳеч гап бўлмагандек, хотиржам ҳабар қилди. Мен унга қарзини эслатдим. Хўш, у-чи? Менга фариштадек тиниқ қўзларини қадаб: «Кечирасан-ку, негадир гапингга тушунмаяпман!», дейди! Эй, худованди қарим! Инсон тусини олган бу ярамас маҳлуқга қаҳру ғазабингни ёғдир! — Мен тиз чўкиб, қўлларимни осмонга чўзиб, илтижо қилдим. Аммо чақмоқ чақмади, яшиннинг ўтли тиги оламни ёритмади. Менинг илтижоларим, саҳрова қолган йўловчининг фифонидай ҳавода муаллақ қолди. Мен ҳеч қанақа худонинг йўқлигини ҳам, дўстимнинг қилмишига яраша жазо бериш учун кимдандир ёрдам кутишнинг бефойдалигини ҳам унтибман. Мана буни артист деса бўлади! Ҳақиқий артист! Мени қаҳр-ғазабга солиб, яна аҳмоқ қилиб кетди-я!

— Чиндан ҳам ҳақиқий артист! — деди Мухторхон Бурхонга ҳаваси келиб.

— Агар Лутфия ҳавога совурилган пуллардан хабар топса борми, тож-тахтимдан айрилишим турган гап, — деди Бурхон ўрнидан туриб. У шоҳона либосини тартибга келтирди, кейин ташвишланиб қўшиб қўйди:

— Устоз, буларни гапириб беришимдан мақсад, навбатдаги спектаклни бошқа кунга кўчиришингизни сўраш эди. Мансур жуда чарчаган... бунақада у узоқча боролмайди, биз Гамлетдан ажralиб қолишими мумкин. Уни врач кўрди, ҳаддан ташқари қаттиқ чарчаган, — деди. Мендан бўлак ҳеч бир тирик жон тиббиёт холосасидан бехабар. Мен сизга ҳеч нарса демадим, сиз эшитмадингиз.

Қўнфироқ чалинди. Бурхон чап ёнига осилган қиличини ушлаб, яна қирол ҳолатига қайтди, бошини баланд кўтариб, нари томон узоқлашди.

Бу янгилик Мухторхонни эсанкиратиб қўйди. У ўрнидан турди, хонанинг у бурчагидан, бу бурчагига ҳаяжон билан бориб кела бошлади.

Мухторхон Мансурни ажойиб актёр бўлгани учун-
гина севмасди. У Мансур қиёфасида ўз келажагини,
ўзининг йигирманчи йиллардаёқ Станиславскийдан ўр-
ганган системасини нозик ҳис қилувчи шогирдини кў-
рарди. Ноёб истеъоди, фикр доирасининг ниҳоятда
кенглиги, адабиёт, мусиқа, тасвирий санъат, фалсафа-
ни чуқур билиши, ҳар нарсага қизиқувчалиги Мансурни
бошқа актёрлардан бир пофона юқори кўтариб турар-
ди.

«Иўқ! Иўқ! Мен Мансурни эҳтиёт қилишим лозим,
акс ҳолда ундан ажралиб қоламан!» — деб кўнглидан
ўтказиб қўйди-да, Мухторхон директор кабинетига йўл
олди.

Ҳабиб ёлғиз эмасди. Бош маъмур унинг олдида ту-
риб, қандайдир қофозларни кўрсатаради. Ҳабиб қофозлар-
ни четга сурис қўйди, хурсанд ҳолда қўлларини бир-
бирига ишқалаб, Мухторхонга пешвуз чиқди.

— Бунақаси ҳеч бўлмаган! Спектакль бошланиши
олдидан мен Хадрага бориб келдим. Трамвай бекатидан
то театр эшигигача одамлар навбат кутиб турибди. Ор-
тиқча билет сўрашади. Ортиқчаси қаёқда? Ҳаммаси мав-
сум охиригача сотиб бўлинган!..

— Навбатдаги спектаклни кейинга кўчиринг!

Ҳабибнинг юзидағи кулгуси аста сўнди, маъмурнинг
пастки лаби осилиб қолди.

— Лекин... — директор эътиroz билдиришга урин-
ди.

— Ҳеч қанақа лекин-пекини йўқ! — деди Мухторхон,
қатъий қилиб. — Мансур чарчаган.

— Ахир у отдаи, соппа-соғ! Унинг олдида мен...

— Азиҳим, Ҳабиб, сиз қачон бўлмасин Гамлетни
ўйнаганмисиз? — Мухторхон унга кўзларини тикандай
қадаб, узоқ тикилди.

— Мен сизни хафа қилмоқчи эмасдим... режа нима
бўлади, билмайман. Томошибинлар ҳам жанжал кўта-
риши мумкин...

— «Бой»ни эълон қилинг. Ҳозир Бурхон яхши фор-
мада, — пастроқ тушди Мухторхон.

— «Бой»ни! Эй, раҳмат-эй! — Ҳабибнинг юзи яна
ёришди.

Театр мавсуми июнь ойининг бошларида «Гамлет»
билан яқунлади. Спектакль бемисл муваффақият қо-
зонди. Матбуотда босилган мақола ва тақризлар «Ак-
тёр маҳоратининг чўққиси», «Театр ривожига қўшилган
муҳим ҳисса», «Ҳар бир артист — буюк ижодкор» син-

гари сарлавҳалар билан товланарди. Радиодан ҳар куни спектакль қатнашчиларидан бирининг суҳбати ёки таниқли санъатшунос танқидчиларнинг чиқишлиари олиб эшилтирилар, уларнинг ҳар бири албатта, шундай деб таъкидларди: — «Гамлет гениал Шекспир ижодининг энг юқори чўққиларидан биридир. Бу — буюк драматургнинг энг чуқур мазмунли асаридир. Мазкур трагедиянинг кучи унинг китобхонлар орасида кенг тарқалганлиги билангина эмас, балки хусусан «Гамлет» пьесасининг жаҳон театрлари репертуарида биринчи ўринни эгаллаганлиги билан ҳам тасдиқланади ва ўз кучини у уч ярим асрдан бери сақлаб келмоқда. «Гамлет» трагедияси ҳар сафар саҳнага олиб чиқилди дегуича омма уни яна кўришга ошиқади. Ҳар бир актёр шу трагедиядаги роллардан бирини ижро этишини ўзининг энг эзгу орзуси деб ҳисоблайди ва ҳамма вақт шунга интилади. «Гамлет» Шекспир асарлари орасида энг проблемали асардир. Бу проблемалилик аввало тўла фалсафий моҳиятга эга бўлган трагедиянинг мурракаб ва чуқур мазмунни билан изоҳланади. Ҳақиқатан ҳам, Шекспир «Гамлет»га шундай улкан ижтимоний-фалсафий мазмунни сингдирганки, танқидчилар замонлар ўтиши билан ҳар гал маъни хазинасининг янги-янги қатламларини кашф этмоқдалар...»

Мухторхон буларнинг ҳаммасини радиодан эшилди, буни қаердадир ўқигандай бўлиб, уни аниқлашга киришиди.

Уйида, ўз хонасида газета редакцияларі томонидан унинг «буюк» постановкасидан «эсдалик учун» юборилган газеталарни полга ёзди, улар устида эмаклаб юриб, мақолаларни бир-бирига солиштири.

Шу ҳолат устига шоир Фофур кириб келди.

Мухторхон ўрнидан турди, топишмоққа жавоб топган ёш боладай севиниб, айёrona кулиб, полга ишора қилди:

— Ким кимдан кўчиргани Мадрид саройининг сири!

— Мен ҳозиргина у ердан келаяпман. — деди Фофур, — иккита редакция ўз муаллифларини ҳимоя қилиб, роса жиқиллашишиди! Аслида эса, у бир одамнинг ўзи бўлиб чиқди: бир ерда у ўз фамилияси билан имзо чеккан, бошқасида эса таҳаллусини қўйган!

Мухторхон гарчи ўрта бўйли бўлса ҳам, баланд бўйли, зуваласи пишиқ Фофурнинг олдида кичкина ва ориқдай кўринарди, лекин унинг катта бошини жингалак қалин сочлари безаб турарди.

— Азизим Шер, қандай мўъжиза яратиб қўйғанлигингизни лоақал ўзингиз тушуняпсизми? — деди жўшиб Фофур ҳаяжон билан. Мухторхоннинг ҳурпайган сочларига қиёс қилиб уни Шер деб атарди.

— Тушунаман, тушунаман, дўстим. — деди Мухторхон хотиржамлик билан, пoldаги газеталарни йиғишириб, иш столи устига тахлаб қўяркан.

— Мана мен бўлсан, тушунмаяпман! — ҳамон ҳаяжонда давом этди Фофур. — Сизга қараб туриб ўйлайман: бу одамнинг боши битта бўлса! Минглаб одамларни тўлқинлантириб, ўйлашга, ҳаяжонланишга, азоб чекишига, қувонч ва роҳат ҳисларини туйишга мажбур этган спектакль учун шу битта бош қандай гайритабиий қудратга эга бўлиши керак. Сиз ё сеҳргар, ёки даҳосиз!

— Сизнинг таржимангиз аъло даражада қилинган! — деди Мухторхон шоирнинг охирги сўзларини гўё эшитмагандай. — Менга китобингизни совға қилсангиз, беҳад хурсанд бўлур эдим, у бу жавонлардан муносиб ўрин олади, — деди у, девор бўйлаб ишланган, ойна солинган китоб жавонларини кўрсатиб.

Мухторхон Фофурга ўтиришни таклиф этиб, креслога ишора қилди, ўзи қаршисидаги креслога чўкди.

— Мен энди классик драматургияни қайта кўриб чиқяпман, — деб давом этди Мухторхон. — Менга таржимангиз жуда ёқди. «Гамлет»нинг асл нусхасини яна бир бор таржимангиз билан солиштириб кўрдим. Тилингиз бой, ширали, майнин, энг муҳими шуки, сиз трагедиянинг барча маъно қирраларини очиб бера олгансиз. Мен истеъдодингизга қойил қолдим! Агар булардан бирор янги нарса топсам, бундан бўён ҳам мен билан ҳамкорлик қилишга розимисиз? — Мухторхон боши билан имо қилиб, стол устида ётган бир тўп китобни кўрсатди.

Бу таклифдан хурсанд Фофур, лоладек қизариб, кўзларини ерга қадади. У бу одам ҳаммага ҳам бундай юқори баҳо беравермаслигини биларди.

— Мен ўзимни бахти ҳисоблардим, — деб қўйди Фофур секингнина, унга тик боқиб, индамай жавоб кутаётган Мухторхонга қараб.

— Биласизми, агар замондош драматургларимиздан баъзи бирлари ўз пьесаларини сиз ажойиб шеърларингизни ёзганингиздай ёзганларида эди, биз артистлар асарга муҳтоҷликни сезмасдик... Биздан, нега бугунги ҳаёт ҳақида муносиб асарлар йўқ? — деб сўрашади. Улар ҳақ.

Комил ажойиб «Нурхон»ни яратди, лекин уни музикали театрга берди, Тўхтасин яхши музика ёзиб берди. Кўрдингизми? Агар уни кўрмаган бўлсангиз, албатта, бориб кўринг, аъло спектакль! Мен Ўомилдан пьесани бизнинг театрга мослаб ишлаб беришни илтимос қилимдим. Ваъда берди. Аммо «Бой»ни қайта таҳрир қилиш билан банд бўлганлиги учун бу ишни кейинроққа қолдирди, шекилли.

— Мухторхон, ахир театрингизда дўстларимнинг асарлари қўйиляпти-ку! — деб Фофур кўзларини айёронна қисди. — Аммо негадир, кўпдан бери сезишимча, уларни сиз эмас, ёш режиссерларингиз саҳналаштиromoқда.

— Кўнглимга уннамаяпти. Умри калта асарлар... — Мухторхоннинг туси ўзгарди. — Бир қарашда муҳим масалани кўтариб чиқишгандай туюлади-ю, аслида эса — пашшадан фил ясаган бўлишади! Тили-чи, тилини қўяверасиз. Гапиришга ҳам арзимайди! Насрда эса яхши асарлар кўп! Ақалли «Қутлуғ қон» ёки «Шум бола»ни олиб кўринг... Ҳа, дарвоқе, нега сиз драматургияда кучингизни синааб кўрмайсиз?

— Афтидан мен ҳали театр учун пишиб етилмаганман, шекилли. Бунинг устига, биласизми, бу саҳнанинг ўз қонун-қондалари бор... — Фофур сұхбатин давом эттиришдан ўзини олиб қочди.

22 июнда уруш бошланди.

Урушнинг эртасига Мухторхоннинг яккаю-ю ёлғиз ўғли университетнинг иккинчи курсидан кўнгиллилар қаторида фронтга жўнаб кетди. Волга бўйндаги кичкина шаҳарчада у артиллерия билим юртида ўқиб турган ярим йил ичиди, уч маротаба уйига хат ёзди. Охирги, тўртинчи мактубини Сталинград жангига бошланганда юборди.

1942 йилнинг куз кунларидан бирида, эрта билан, тонг қоронғусида Мухторхон эшикнинг қаттиқ тақиљлашидан уйғониб кетди — кечаси электр токи узиб қўйилганлиги сабабли, қўнғироқ ишламасди. У керосин лампани ёқди, елкасига тўнини ташлади, шиппагини шапиллатиб, эшик томон юрди.

— Ҳозир, Ниgora, ҳозир очаман, — деди Мухторхон хирилдоқ товуш билан, хотинини тунги навбатчиликдан қайтди, деб ўйлаб.

Лекин у эшикни очганида остоңада солдатчасига кийиниб олган, аммо қуролсиз Ҳусайн турарди.

— Кечадан бошлаб қисмдаман. Бугун фронтга жўнаймиз, — деди Ҳусайн уйга кириб. — Хайрлашгани келдим, сендан охирги марта олган китобларни ҳам ташлаб кетай, дедим.

Ҳусайн қалпоғини, шинелини ечди, гимнастеркасини этагидан пастга тортиб қўйиб, мезбон билан унинг кабинетига кирди.

Мухторхон тўшагининг устига кўрпа ёпди, тўнига ўраниб олиб ўтирди. Энди, хотини госпиталга, тунги навбатчиликка кетган кунлари у кабинетдаги диванда ётарди.

Ҳусайн хонани кўзи билан чалиб чиқди-да, стулни суреб, Мухторхоннинг рўпарасига ўтирди.

— Нигора навбатчиликда, ҳаяллаб қолди. Эҳтимол, ярадорларни олиб келишгандир, — деди Мухторхон йўталиб. — Сеникига бораман дейман-у, аммо бу лаънати томоқ оғриғи жонимни қўзимга кўрсатди. Буни қараки, ўзинг кириб келдинг.

— Безовта қилгим келмади, шунинг учун қўнғироқ қилмадим, — деди Ҳусайн гуноҳкорона. — Ўғлингдан дарап борми?

Мухторхон «йўқ», дегандай соchlари тўзиб кетган бошини чайқади.

— Ким энди боғбон бўлади?

— Ректор боғни сақлаб қолишга ваъда берди.

— Сен бекордан-бекорга бошингни ўққа тутиб юрмагин... Сен тирик қайтишинг зарур, мажбурсан! Тушундингми?

Ҳусайн табиатан камгап эди, бироқ ўз укасиdek яхши кўрган бу одамга ҳозир жуда кўп илиқ гаплар айтгиси келди, аммо гаплари томоғига тиқилди, у бесўнақай қўлларини қаерга яширишни билмай, бармоқларини бенхтиёр қирсиллатиб, ҳамон жим турарди.

— Нима қилиб анграйиб ўтирибман! — деди Мухторхон тўсатдан, у кийимларини йиғиштириди-ю, ёш болалардай чақонлик билан нариги хонага кириб кетди.

Бир оздан сўнг, Мухторхон одатдагидай дид билан кийинган, соchlари тартибга келтирилган ҳолда қўлида майда-чўйда солинган патнис кўтариб чиқди. У китобларни ёзиб столининг четига суреб, патнисни қўйди.

— Ҳозир иккаламиз нонушта қиламиз, кейин мен сени кузатиб қўяман! Индамай овқатланишди. Ҳусайн ўз кўнглида Мухторхонга сездирмаган бўлиб, шимининг чўнтагидан узун занжирга осилган соатини чиқарди.

— Қанча қолибди? — деб сўради Мухторхон.
— Яна бир соат бор, — ҳайрон бўлиб жавоб берди
Хусайн.

— Жуда соз! Кийин, трамвайга ўтирамиз-да, ярим соатдан кейин қарабсанки, вокзалдамиз-да. Ҳа, айтмоқчи, мана бу китобчани ол, Навоий ғазаллари, жуда ихчам, чўнтақка солиб юрсанг бўлади. Улгурмаганингни эса, — дея Мухторхон китоб тўла жовонларни кўрсатди, — урушдан кейин ўқиисан.

Трамвай издан чиқиб кетиб, сал бўлмаса улар кечикиб қолай дейишди.

Вокзал перрони бўм-бўш эди. Бошида паровоз пишиллаб турган эшелон вагонлари олдида командирлар кичик-кичик тўп бўлиб туришарди.

Буларнинг олдига лейтенант чопиб келиб, Хусайнни койий бошлади, аммо у энгашиб ўз командирига нимадир деди. Лейтенант қаддини ғоздай ростлаб, қўлини чеккасига теккизди-да, пошналарини бир-бирига уриб, ўзини таништириди:

— Иванов!... Мени кечирасиз, ўнбеш минутдан кейин эшелон жўнайди, у бўлса ҳамон йўқ. Қаттиқ хавотирландим... Ўнинчи вагон, — деди у Хусайнга ўгирилиб.

Чиройли, оқ-сариқдан келган лейтенантнинг юзларида болаларча бефубор ифода акс этиб турар, кўзлари эса, гўё уларда осмон акс этиб тургандай кўм-кўк эди. У Хусайн сингари баланд бўйли эди. Уларнинг олдида Мухторхон пакана одамдай бўлиб қолди. Унинг устига гражданча уст-бош, бу кийимда Мухторхон ўзини худди ишга ёмон кийиниб келган одамдай, жуда ноқулай ҳисқиларди.

Мухторхон Хусайнни қучоқлаб ўпди, ёш лейтенантнинг қўлини қаттиқ қисди, уни ҳам қучоқлаб ўпар экан, ўпкаси тўлиб деди:

— Илтимос, ой бориб, омон қайтинглар. Сизни она-ларингиз, хотин, бола-чақаларингиз кутишади.

Уруш тугади. Орзиқиб кутилган ғалаба куни келди.

Мухторхоннинг ўғли Сталинград остонасида ҳалок бўлди, қардошлиқ қабрига дафн этилди. Бетховен ва Шиллер, Гейне ва Гётелар Германияси учун жангда Хусайннинг ёш рус командири қурбон бўлди.

Мухторхон ориқлаб, соchlари бутунлай оқариб кетди, аммо бароқ қошлари негадир ҳамон қоп-қора эди. У аввалгидек сергайрат, чақон, қора костюмида башанг кўринарди. Унинг кенг, бефубор пешонасини ўғлидан

қора хат олган куннинг эртасига пайдо бўлган иккита чуқур ажин кесиб ўтган эди.

Мамлакатимиз ўзининг алп қоматини тиклаб жароҳатларини даволай бошлади: шаҳар, қишлоқлар тикланди, янгилари қурилди, далаларда яна тракторлар гуриллай бошлади, тинчликнинг биринчи йили ҳосили учун ерлар шудгор қилинди, машиналар етишмаган жойларда эса от ва ҳўкизларни сўқа, омочга қўшиб, ер ҳайдадилар.

Заводлар танк ва замбараклар, бомба ва снарядлар ўрнига тракторлар, автомобиллар, комбайнлар, болалар каравотлари, идиш-товоқлар ишлаб чиқара бошлади.

Мамлакатимиз агроном, инженерларга жуда муҳтоҷ эди, унга шифокорлар, санъаткорлар, педагоглар, олимлар зарур эди. Кечаги жангчиларнинг аксарияти, фақат погонларини олиб ташлаб, шинел ва солдат этикларида институт аудиторияларини тўлдирдилар. Улар илмга бўлган ташналиклари билан ўз муаллимларини ҳайратда қолдирадилар; қандайdir афсонавий эҳтирос билан туну кун китоб ва конспектлардан бош кўтармасдилар, лабораторияларда қунт билан ишлардилар. Уларнинг бутун ҳаракатларида билимдон мутахассис бўлишга, қуриш, яратиш, бунёд этиш, юксалтиришга бўлган жидди жаҳд аён кўриниб турарди.

Театрлар, концерт заллари одамларга тўла эди. Барча томошаларга ўн-ўн беш кун аввал билетлар сотиб тутатиларди. Ҳамма ерда «Билетлар сотиб бўлинди», деган эълонлар. Томоша муассасаларининг директорлари, бош маъмурлари мамнун бўлиб, кафтларини ишқалар эдилар.

— Ҳеч қандай тарғибот ташвиқотсиз бир ой аввал барча билетлар сотилиб бўлди! — дер эдилар оғизлари нинг таноби қочиб.

Мухторхон тинмай ишларди. У деярли барча спектаклларнинг постановкасини янгиларди. Уйда пьеса излаб, ўз кутубхонасини бошдан-оёқ титиб чиқди. Москва, Ленинградда чиқаётган адабий журналларни варақлаб тунлари мижжа қоқмай, тонг оттирди. Пьесалар бор эди, аммо улар Мухторхонни қизиқтиримасди, маъноси жуда саёз ва фикри қашшоқ, кўтариб чиқилган масаласи жўн эди. Аммо бир куни унинг омали келди.

Оқшом пайтида у радиони буради. Москвадан «Рус масаласи» олиб эшиттирилаётган эди. Радиопостановка унинг диққатини ўзига жалб қилди. Эртасига у автор-

га мактуб юборди, бир ҳафтадан кейин ундан пьесанинг машинкада босилган нусхасини олди ва дарҳол таржимонга топшириди.

Уни доим «Энди нима қилиш керак?» — деган савол қийнар эди. Томошибин етук санъат асарларига муҳтож, асарларни зўр иштиёқ билан қайта-қайта кўриб бўлган, хуллас, театрнинг репертуари жуда камбафал эди. Классик асарларни саҳналаштирай деса, ёш артист ва артисткалар йўқ, урушга улар институтдан кетганлар, кўплари қайтмаган. Бугунги кун ҳақида драматурглар деярли ҳеч нарса ёзмасдилар, ёзганлари эса, ўша-ўша сийқаси чиққан учбурчак — ошиқ, маъшуқа ва улар ўртасидаги ичи қора рақиб ёки рақибанинг жанжали кўрсатиларди.

Собир Абдулла халқ афсонаси асосида «Тоҳир Зуҳра» либреттосини яратди, Тўхтасин музика басталади, шундай қилиб, юксак муҳаббат ҳақидаги трагедия туғилди...

Эрта билан унга бастакор Толибжон қўнғироқ қилди.

— Устоз, бугун ўн иккida «Лайли ва Мажнун»нинг кўриги бўлади. Қелишингизни сўрайман, — деди у мулоҳим овози билан.

— Албатта, бораман, — деб жавоб қилди Мухторхон, телефон тррубкасини жойига қўйиб, хотинига уни ўзи билан бирга олиб боришини айтди.

Нигора госпиталь ёпилгач, ўзини бутунлай уй ишларига бағишлигар эди. У эрини: «Ўзлари ўқиб кўриб, агар ёқса, албатта, саҳналаштирсинглар», деб пьеса кўтариб келувчи хира муаллифлардан қўриқлар; унинг секретаридай бўлиб қолган эди — сон-саноқсиз қўнғироқларга жавоб берар, ҳар хил асарларни кўздан кечирав, Мухторхонга керак бўлган жумлаларни ҳошияда белгилаб қўярди; эрининг топшириғига мувофиқ марказдан чекка шаҳарлардаги театрларнинг кўп сонли муҳбирларига жавоб берарди.

Опера театрига соат роппа-роса ўн иккida етиб келишди. Залда чироқ ўчган эди. Мухторхон Нигоранинг нозик қўлидан ушлаб, секингина деди:

— Шу ерда ўтира қоламиз.

— Йўқ, йўқ! Сиз учун режиссёрнинг ёнидан жой олиб қўйганимиз, — деди уларнинг олдида тўсатдан пайдо бўлган драматург Комил. — Юринглар. Мен ҳам сиз билан бирга ўтираман.

Увертюра оҳанглари янграб, парда очилганда, бутун партер одам билан деярли бандлиги аён бўлди.

Мухторхон ён-верига қаради — ҳаммаси таниш одамлар — ёзувчилар, бастакорлар, мусаввирлар, артистлар, режиссёrlар, журналистлар — бутун санъат аҳли йиғилган эди.

Спектакль қизиқарли ўтди, Мухторхон биринчи кўринишдан то охиригача саҳнадан кўзини узмади. Ролларнинг ижроси ҳам, режиссёрлик талқини ҳам унга маъқул бўлди. У ўзини худли катта тантанада, ёрқин, ҳаяжонли, таъсирчан байрамда қатнашгандек ҳис қилди. Куй тугаб, парда ёпилди, чироқ ёқилди. Мухторхон беихтиёр ўрнидан турди-да, биринчи бўлиб қаттиқ қарсак чалиб юборди.

— Кўпдан бери бундай маза қилмаган эдим, — деди у Нигоранинг қўлидан олиб. — Фоят ажойиб!

— Нима, муҳокамага қолмайсизми? — деб сўради ундан Комил.

Спектаклни саҳналаштирган тарашадай озғин режиссёр саросимада унга катта, қора кўзларини тикиб, филтиллаб турарди.

— Мен ўз фикримни айтиб бўлдим! — деди дўстона жилмайиб Мухторхон.

— Аммо ҳужжатга сенинг қарсакларингни ёзиб бўлмайди-ку! — дея хитоб қилди Комил.

— Фоят гўзал, деб ёзиб қўя қол.

Режиссёр гўё: «Дирижёр билан бастакорга нима дейман?» дегандек оркестр жойлашган чуқур томон маъюс ўгирилди.

— Илтимос, Толибжонга узримни айтиб қўйинг. Ишга шошиляпман. Ўн етти-ю ноль-нолга репетиция таинланган, — дея жавоб берди Мухторхон унинг сассиз саволига мулойим, гуноҳкорона овоз билан ва қўлини дўстона қисиб қўйди.

Мухторхон Нигора иккови театрдан чиқишиди, Комил билан опера театрининг ёш директори, қомати келинган, бўйи баландроқ, буғдойранг, чиройли қора кўзлари маъноли боқузчи Мамажон уларга эргашишиди.

Мухторхон Мамажонга алоҳида ҳурмат билан қарапди. Биринчи учрашувдаёқ уни жуда ёқтириб қолган, унга бўлган чуқур ҳурматини ҳеч кимдан яширмасди. Танимаган одами билан бундай тез дўстлашиб кетиш ҳоллари унинг ҳаётida камдан-кам рўй берарди.

Мамажон ёш бўлса ҳам, оғир, фикр-мулоҳазаси ўт-кир, санъатни жуда яхши тушунар эди. Мухторхон унинг учта мақоласини: иккитасини нуфузли газетада, биттасини қалин адабий журналда ўқиган. Улар фикрининг

бойлиги, тилининг ифодалилиги, актерлар ижросига берилган аниқ баҳо билан ажралиб турарди.

— Комил, сизнинг қобилиятли одамларни топа билишингиз мени доим қойил қолдиради, — деган эди Мухторхон, Комилнинг уйида Мамажон билан танишганида.

— Худди шу сўзларни мен сиз ҳаққингизда ҳам айтмоқчи эдим, — дея кулди Комил.

Драматургия, театр, актёrlар ҳақида эркин, мароқли суҳбат бошланди.

Бу суҳбатда Мамажон таниқли, номдор санъаткорлар олдида ўзини йўқотиб қўймади. У хотиржам ўтирап ва бугунги кунда уни санъатда нима қизиқтираётгани ҳақида шундай хотиржамлик билан гапирап эди.

Мамажон Комилнинг уйида қолди.

— Бизга ишга ўта қолинг! — дея кутилмаганда таклиф қилди Мухторхон хайрлашаётib.

— Йўқ, йўқ! — дарров эътиroz қилди Комил, — Мамажон ҳозир опера драматургияси билан банд. У янги санъатга жўда-жуда зарур. Сизнинг маккорона ниятингизни сал олдинроқ пайқаганимда, у билан таништирмай қўя қолардим.

Мухторхон бундай истеъдодли одамлар билан учрашганидан анча вақтгача ўзида йўқ хурсанд бўлиб юрди, унинг юраги гўё янги қувват манбаидан кучга тўлгандай эди, бу куч унинг фикрини қўзғотиб, қизиқарли ният ва режалар туғдирди. У ўз ҳаётида ҳеч кимга, ҳеч қачон ҳасад қилмаган. Бирор янги истеъдодни кашф этганидан астойдил севинарди, ўзининг бутун обрў-эътибори, таъсир доираси билан актёрга унинг ижод қилишидан, инсоннинг маънавий дунёсини бойитишдан чарчаб ҳоримаслиги учун ҳаётда ўз ўрнини мустаҳкам эгаллаб олишида ёрдам беришга интилар эди...

Майдонни кесиб ўтиб, улар қуёшнинг олов селидан қайрагоч соясига яшириниши.

— Иззатни ўқидингизми? — деб сўраб қолди Комил кўзларини айёrona қисиб, Мухторхондан.

— Ажойиб асар бўлибди! Аммо, уни бир ўзи ёзмаган экан, — деди Мухторхон, — буни мен билмасдим.

Комил кулди.

— Уларнинг икки кишилиги сизга ёқмадими? Иккитасини эплаш қийин демоқчимисиз?

— Йўқ, нега энди, гапга кўнадиганлардан. Ҳамма таклифларимни қабул қилишди. Шуниси қизиқки, баҳслашишмади, эътиroz ҳам билдиришмади. Биринчи репетиция бугун бўлади.

— Қанақасига!?

— Шунақасига! — Энди, ўз навбатида Мухторхон тантана қиларди. — Учрашувга тайёргарликни ким олиб боргани менга номаълум деб ўйлайсизми? Мен бу ҳолни ҳисобга олиб, пъесани дарҳол ишга тушириб юбордим.

— Мен сизни азбаройи ҳурмат қилганимдан, уларнинг тафтини бир оз босиб қўйдим, — деди Комил ўсал бўлиб. — Сизнинг қисқа, лекин лўнда маслаҳатларингизга диққат қилиброқ қаравашин, — дедим.

— Алишер Навоий роли Мансурга топширилган, — деди Мухторхон. — Кўриб турибсизки, сизнинг бу яширин фикрингизни ҳам ўқиб олдик.

Ҳаммалари кулиб юборишди ва бекат томон юришиди, чунки қўнғироғини жиринглатиб трамвай яқинлашмоқда эди.

Бирдан Мамажон Мухторхон томон энгалиб, секингина:

— Устоз, мен институтдан кетишингиз боисини тушундим, — деди.

— Фақат илтимос, ўз тахминларингизни овоза қилиб юрманг! — деди Мухторхон, унинг қулоғига пичирлаб, Нигоранинг трамвайга чиқишида ёрдамлашаётган Комил томон боши билан имо қилиб.

Учинчи бекатда Мухторхон Нигора билан вагондан тушиб қолишиди. Тўрт қаватли бинонинг йўлагига кириб, кенг зинадан иккинчи қаватга кўтарилдилар. Уларнинг эшигига суюнганча шундоққина ерда Ҳусайн мудраб ўтиради. Унинг ёнида солдатларнинг қопчиғи ётарди. Қадам товушини эшитиб, Ҳусайн ирғиб ўрнидан турди. У ўша-ўша девқомат, кенг елкали эди. Гимнастеркасида учта жанговар нишон ялтираб туарди.

— Тирик!.. Тирик қайтибсан! Сени қанчалик зориқиб кутдим, — деди Мухторхон, овози тўлқинланиб, кейин Ҳусайн томон отилди.

Ҳусайн уни қуchoқлаб, худди ёш боладек кўтариб кўксига босди.

III

— Чойингни ичмабсан? — тўсатдан Ҳусайнинг овози яқинидан эштилди.

Мухтор чўчиб тушди. У яна кўзгудаги бутун «мизансцена»ни аниқ кўрди. Фақат Ҳусайн негадир унинг

ёнида, қўлида пушти ранг гулбарглар сурати чизилган чинни чойнак ушлаб турарди.

— Сенга чой ёқмадими? Асл ҳинд чойидан дамловдим... Афсус совиб қолибди... Әмғир қўйиб ётибди, чордоққа чиқиб келдим. Томнинг бир-икки ери тешилибди, кўндузи шифер қўйган эдик, менга негадир яна чакка ўтаётгандай туюлди.

Мухторхон Ҳусайннинг чордоққа қачон чиқиб, қачон тушганини ҳам билмади, ундан олдин нима деганини ҳам эшифтади. Аммо қўли иссиқ чойнакка бехос тегиб кетгани эсида.

У соатига қаради. Роппа-роса ўн икки. Ҳусайн томга чиқиб кетганига бор-йўғи ярим соат бўлиб, бу вақт ичидаги эса, унинг кўз ўнгидан бутун ҳаёти бирма-бир ўтди!

— Мен кетақолай энди... Балким Нигора хавотир олаётгандир, — деди у ёмғирпӯшини кияркан.

— Шошмай тур. Иккита бола залда машқ қилиш япти, сен томонингда туришади, йўл-йўлакай ташлаб ўтишади. Ҳозир уларни чақираман, — деди-да, нағалли этигини тақиллатиб, Ҳусайн йўлак бўйлаб кетди, унинг полига ҳам вестибулдагидек һоппоқ мармар ётқизилган эди. Мухторхон қиличбозларнинг машқларини жўришга қизиқиб, Ҳусайннинг ортидан эргашди.

Ўқув театрининг әшиги ланг очиқ, у ердан қиличларнинг жаранг-журунг овози эшитилар эди.

Зал нимқоронғи, саҳнани шифтдаги чироқлар ёритиб туарар, спортчиларнинг тўқима кийимидағи иккита ёш йигит жон-жаҳдлари билан қиличбозлик қиласардилар. Чап томондагиси новча, келишган, қора соchlари елкасига тушган, юзи чиройли; ўнг томондагиси, у ҳам баланд бўйли, аммо қорин қўйганроқ, боши тепакал эди.

Ҳусайн уларни чақирмоқчи бўлиб, кафтини карнай қилиб оғзига олиб борган эди ҳамки, Мухторхон унинг тирсагидан тортиб, секингина деди:

— Шошма. Бир оз кўрайлик, жуда қизиқ экан!

Йигитлар терлаб-пишиб мэшқни давом эттирадилар.

Узун сочли йигит ҳамласи муваффақиятли чиққанда, севиниб кетар, кўзлари чақнаб, ҳайқириб юборар эди; ниҳоят рақибини у бутунлай ҳолдан тойдириб, бурчакка қисиб қўйди, тепакал илтижо қилгандай:

— Бобораҳим, танаффус! Мен қора терга тушиб кетдим, — деди. Улар пўтали сочиқтарини олиб артинишар экан, қаттиқ ҳарсиллар эдилар.

— Балки бугунга етар, а? — деди тепакал йигит.

Узун сочли йигит ҳам рози бўлиб, бошини лиқиллатди.

Шу ерда, саҳнанинг ўзида улар кийина бошладилар.

— Булар ким? — деб сўради Мухторхон пи chir lab.

— Бобораҳим институтни ўтган йили тамомлаган, ана униси эса Мирзапольвон, тренер бўлиб ишлайди... Умуман, студентларни муштлашишга ўргатади, — деди Ҳусайн.

— Ўтган йили диплом спектаклида мен уни кўрмагандим. Эсимда, «Айбсиз айборлар»ни қўйишган эди...

— Ҳа,ҳа, тўғри. Ўшанда сен ўз театрингга битта ҳам актёр олмагандинг!... Бобораҳим эса, бош қаҳрамон бўлган. Кимни ўйнаганини биласанми: Григорий Незамовни! Бироқ спектакл олдидан бетоб бўлиб қолган, шундай деб эълон қилишган, кейин бошқаси ўйнаган... Вилоят театрига юборишувди, бормади. Ўнинг қарамоғида иккита бола бор — укаси ва синглиси. Онаси қазо қилган, отаси урушда ҳалок бўлган... Тошкентдаги ҳеч қайси театр олмаган. Қандайдир клубда ҳаваскорлик қиласди. Яаша керак-ку, ахир, яна болаларни оёққа турғизиш лозим... Сизларнинг ишларингизга кўп ҳам тушунавермайман. Бироқ яхши эслайман — репетиция бўлаётганида, бутун институт, ҳатто фаррош хотинлар ҳам шу ерда, залда тўпланишар, Бобораҳимнинг ўйинини томоша қилишарди.

Ҳошим деган профессор, ўз қулоғим билан эшитганман, уни ғўра деб ҳақорат қилган. Курсдошлари эса уни жуда ҳурматлашарди. Мана ўзинг ўйлаб кўр — ким ҳақу, ким ноҳақ. Кунлардан бир куни шу тренер билан кечалари машқ қилишга рухсат беришимни сўраб келибди. Менга нима, ана зал, ейилиб қолармиди! Бу боланинг кимлигини биламан-ку.

Семиз, юзи ялтиллаган профессор Ҳошимни Мухторхон ёқтиирмасди. Илгари актёр бўлган бу одам саҳнада ўзини кўрсата олмаган, асосан чакана ролларни ўйнарди. Кейин педагог бўлиб ҳам буни ўрнига қўя олмади. Шу сабабдан Мухторхон унга юксак унвои берилганинги ҳақидаги хабарни газетада ўқиб, ҳангуманг бўлиб қолди. Ношуд одам юридик жиҳатдан тан олинган эди: ҳақиқатан ҳам бу телва-тескари дунёнинг ишларига тушуниб бўлмайди.

Яна шу одам ўзгалар тақдирини ҳал этар эди, ўртамиёналикни кўкларга кўтарар — чунки унинг ўзи бундан баландликка қурби етмасди, истеъодда зомин бўйларди, чунки уларни тушунмас, уларга етолмасди. Шунинг учун улар бунга хавфли туюларди. Уларнинг олдида Ҳошим арзимас бир нарса кўринарди.

Бобораҳим кийиниб бўлди.

— Бирор нарса ўқиб берсанг-чи! — деб тортиниброқ сўради ундан тренер, кейин залга тушиб, биринчи қаторнинг ўртасидаги жойга ўтириб олди.

Бобораҳим рояль устидаги кўк сатиндан тикилган ёпиқни сидириб олди-да, елкасига ташлаган эди, ёмғирпўш бўлди. У худди ҳассага суюнгандай қиличга иккала қўли билан таянди, ўйчан нигоҳини фира-шира залга қаратиб, аста бошлади.

Тирик қолмоқ ё ўлмоқ? Шудир масала!
Қайси бири булардан бизга муносиб?
Шу дилозор фалакининг таҳқиқларига
Шикоятсиз — шиквасиз чидаб турмоқми?
Иўқса, унга рад-бадал бериб қўзгалмоқ,
Курол олиб ё енгмоқ, ё маҳв бўлмоқми?
Улиш... Унутилиш. Масала тамом.
Танимизга ўралган минг-минг ташвишнинг
Занжирин илол — абад узади ўлим.
Зотан дилнинг азамат армони шуки!
Ўлмоқ — фафлат тушида ухламоқ демак.

Мухторхон охирги қаторлардан бирида ўтирган бўйлишига қарамай, йигитнинг рангсиз чироқ нурида пича сарғайган юзини аниқ кўрарди; унинг юзи чўзинчоқ, бурни ингичка, лаблари бежирим, айниқса иккита йирик бодомдай катта кўзлари кўҳлик эди. — Овози ёқимли, тили ширин экан, — деб кўнглидан ўтказиб қўйди. — Юзи ҳаракатчан... Шундан бир нарса чиқади!

Мухторхон ўрнидан турди, Ҳусайнни эргаштириб саҳна томон интилди.

Бобораҳим ўз сарпосини ечиб, роялнинг устига ёпиб қўйди. Орқасига ўгирилиб, биринчи қаторда ўзининг тренери билан қизғин гаплашаётган паст бўйли Мухторхонга кўзи тушди.

У зинадан пастга югуриб тушиб, уларнинг олдига келди-да, қимтинибгина салом берди.

Мухторхон унинг қўлини қисди.

— Аравачали мотоциклда кетамиз. Ўлжага олинган машина! Битта ҳарбийдан сотиб олганман, — деди тренер, машҳур режиссёр билан танишганидан боши осмонга етиб. — Сиз эшикка бораверинг, мен ҳовлидан чиқаман.

Ўз уйи олдида Мухторхон аравачадан тушди ва Бобораҳимга қараб деди:

— Эслаб қолдингизми? Иккинчи қават, ўн бешинчи квартира. Соат ўн бирда кутаман!

Мухторхон ҳар қачонгидан эрта уйғонди, ҳали қоронғи эди. У ҳафсала билан соқолини узоқ қирди. Кейин ўзининг яхши кўрган атирини сепиб, кабинетдаги стол устини китоб ва қофозлардан тозалади, Қандайдир кўйни хиргойи қилиб, ёқаси оҳорланган тоза оқ кўйлак кийди, хоҳ-хол гулли қора галстугини бўйнига тақди, ўзининг қалин ўсиқ соchlарини тараб, костюмини кийди. Тортмадан оқ батист дастрўмолчани олди, сал эзди, бир силкитиб, иккита бармоғи билан кўкрак чўнтағига тиқди. Кираверишдаги катта кўзгуга ўзини солди, у ёқ-бу ёғини айланиб ташқи кўриннишидан кўнгли тўлди: костюми қоматига ёпишиб туарди.

Нигора уни диққат билан кузатар экан, нима бўлаётганлигига тушўнmas эди. Деярли бир йилдан бери унинг эри одамови бўлиб қолган, ҳеч ким билан гаплашмас, ҳеч кимни қабул қилмасди. Индамас бўлиб қолганди... Мусибат бутун умидларини гўё шип-шийдон қилиб кетган эди.

Мусибат тўсатдан келди. Ўша оқшом Мухторхон уйда пъеса ўқиб ўтирган эди. Бирдан телефон жиринглади. Нигора ётоқхонадан шиппагини шапиллатиб чиқиб, трубкани олди. У аввалига ниманидир баланд овозда қайта-қайта сўради, кейин пицирлашга ўтди. Мухторхон қанчалик диққат билан қулоқ солмасин, бирорта сўзни ҳам англай олмади. Қулоқ солишни бас қилиб, пъесани ўқишга киришиб кетди.

— Бурхон қўнғироқ қиляпти... қандайдир у ғалати, — кутилмаганда Нигоранинг овози эшитилди.

Мухторхон бошини кўтариб, эшик кесакисига суяниб турган хотинини кўрди: ранги докадек оқарган, кўзлари нурсиз.

«Унга нима қилди? Наҳотки бетоб бўлса?» — Мухторхон телефон томоқ юаркан, хавотирланиб кўнглидан ўтказди.

Мухторхон телефон трубкасига қараб, томоқ қирган ҳам эдики, у ёқдан Бурхон ҳўнграб йиғлаб юборди.

— Устоз!... Мени эшитяпсизми, устоз! Ҳозиргина Мансур ўлди!

Мухторхон ўзини йўқотиб, қўлида трубкани қаттиқ қисган ҳолда, аппаратга бир неча дақиқа тикилиб қолди. Қейин Бурхоннинг йифиси эшитилаётган телефон трубкасини бирдан столга улоқтириди, оёғига туфлиси ни кийди, эшикни қаттиқ тортиб, кўчага учиб чиқди.

Кечакоидан эди. Чироқларнинг ёруғ нурига чўмилган кўчалар кимсасиз. У бутун йўл бўйи югуриб борди, нафасини ростлаш учун бир дақиқа ҳам тўхтамади, ваҳоланки, юраги мана ҳозир кўқсини ёриб чиқиб, ўзи тош йўлга йиқилиб тушгудек бўлиб қолган эди.

«Бўлиши мумкин эмас! — деди фикран жонҳолатда Мухторхон. — Бурхон янглишган...»

Театрга икки қадам қолганда момоқалдироқ гумбурлади, Мухторхон худди яралангандай тиз чўкиб, инграб юборди:

— Нега? Нима учун!..

Ёмғир қуярди, бир зумда унинг юзларигача ҳўл қилиб юборди.

Мухторхон ўрнидан турди, гандираклаб, театрнинг орқа эшиги томон юрди. Унинг кўриниши даҳшатли эди. Шунинг учун қоровул афти-ангорига лой сачраган, азоб-уқубатдан ўртаниб кетган, ҳаммаёғи шалаббо одамини бемаҳалда кўриб, қўрқиб кетди-да, ўтирган стулини кўтариб, эшик орқасига беркинди, уни ичкаридан тамбалаб қўйди.

Темир тамбанинг ғижирлаши Мухторхонни ҳушига келтирди. У ён-верига қаради, қоронғилик пардасига бурканган театрнинг ҳайбатли биноси унга катта деразаларнинг қоп-қора кўзлари билан ёвқарашиб қилиб туртандай туюлди. Бу деразалар ичиди Мансур йўқ ва бунинг учун Мухторхон гуноҳкор қилинаётгандай эди.

У орқасига бурилди, бўйинни қисиб театрдан нари кетди.

— Ортиқ чидай олмайман... — деда пичирлади Мухторхон. — Бардош беролмайман, инсон юраги фарзандидан икки бор ажралишга қодир эмас. Нега тақдир яшаши лозим бўлган одамдан жудо қиласди. Санъатни барҳаёт этувчи томирни худди атайнин үзиб ташламоқчи бўлгандек... Истеъдодни энди барқ уриб гуллаган пайтида сўндиrsa-я...

Юриб бораркан, юраётганини, қаёққа қараб кетаётганини билмасди. Қаердадир, Шайхонтохурда, унинг боши айланди. Бир неча дақиқа ўзини тубсиз жарга йиқилиб тушаётгандек ҳис қилди. Агар уни аллакимнинг бақувват қўллари ушлаб қолмаганида, ҳақиқатан ҳам йиқилиб тушарди. Бу Ҳусайннинг қўллари эди.

У Мухторхонни ёш боладай бағрига босиб, меҳрибонлик билан пичирлади: .

— Қадрдоним... жигарим...

Уз ўғлининг ўлимидан кейин Мухторхон бундай оғир мусибатга дуч келмаган эди. Оғир дард уни ётқизиб қўйди. Мухторхон даҳшат, қайтариб бўлмас жудолик алами ва азоб-уқубати акс этган кўзларини каттакатта очиб, алаҳларди, ўзини ақлдан озаётгандай ҳис қиларди.

Дард узоқ давом этди. Аммо Мухторхон уни енгиб чиқди. Бироқ дард бари бир унинг қалбидаги ўчмас из қолдирди. У авваллари ҳам камгап эди, энди бўлса умуман индамас бўлиб қолди. Унинг чеҳрасини очиб юборадиган айёrona табассуми фойиб бўлди.

Мана бугун эса, Мухторхон ўйига кўтаринки руҳ билан кулиб кириб келди.

— Нигораҳоним, илтимос, хонамдаги кичкина столчага дастурхон қиласангиз. Ўзингиз билгандай, чиройли қилиб! Уч кишилик бўлсин. Мен, сиз ва жуда ҳурматли бир меҳмон. Мен уни сиз билан жоним билан таништириб қўяман, — деди Мухторхон, хотинининг қўлинин ўпиди. Кейин қўшимча қилди: — Мен сизни энг чиройли кўйлагингизда қўришни истардим.

«Неча йил бирга яшаймиз-у, у ҳамон «сиз» дейди-я»,
— Нигора эридан мамнун бўлиб, мулоийм жилмайди.

У эшикдан кираверишда ўнг томонга ўрнатилган нақшинкор столга бир чинни лаганда тўлдириб қирмизи олмалар, нашвати ноклар, биллур идишчаларда олча, беҳи, сариқ гилос, ўрикдан қилинган мурабболар, ширинликлар, духовкада иситилган иссиқ нонлар, шўрданак, қовурилган нўхат қўйди.

Бир неча қадам нарига ўтиб, ўзи безаган дастурхонини диққат билан кўздан кечириб, ишидан мамнун бўлди.

Нигора ётоқхонада сочини иккита қилиб ўриб, бошига чамбарак қилиб турмаклади: қайтарма ёقا, кўкраги хиёл очиқ, майин пушти ранг ҳарир кўйлак уни ёшартириб юборган эди.

— Оҳ, қандай гўзал аёл! — хитоб қилди Мухторхон.

Нигора эрининг эҳтиросли, ошиқона нигоҳидан уялиб, ерга қаради, у ёшлигиде Нигорага худди шундай суқланиб тикиларди.

Йўлакда қўнғироқ жиринглади. Мухторхон эшикни очди.

— Танишинг, меҳмонимиз! — Мухторхон йигитни хотинига таништириди.

Бобораҳим анчагина эскирган, аммо ҳафсала билан дазмолланган костюм кийиб олган, калта келиб қолган енглари ва шунингдек калта шими меҳмонни ёш ўсмирга ўхшатиб қўйганди.

Улар юмшоқ креслоларга ўтирдилар, Нигора чой узатиб, меҳмонни дастурхонга даъват этди.

— Бобораҳим, мана қофоз-қалам. Ариза ёзинг! — деди бирдан Мухторхон. — Ҳа, ҳа! Директорнинг номига, сизни театр трупласига қабул қилишини сўраб ёзинг.

— Аммо... сиз мени... — Бобораҳим довдираб қолди.

— Сиз актёrsиз. Тўғрими? Мен режиссёр сифатида сизни ишга таклиф қиляпман, — Мухторхон унинг гапини бўлиб, Нигорага шўхлик билан кўз қисди. — Ёзинг!

Бобораҳим, ҳаяжонланиб, қизариб-бўзариб, қалам тебрата бошлади. У ҳаяжондан ҳатто терлаб ҳам кетди.

— Мана, «Бой ила хизматчи» постановкасининг режаси билан режиссёр талқинидаги нусха. Фофири ролини ўрганиб чиқинг, — деди Мухторхон, Бобораҳимнинг олдига биринчи папкани қўйиб. — Бу эса «Айбсиз айборлар»... Билишимча, Незнамовингиз амалга ошмай қолган!... Биринчисини янгитдан қўямиз, иккинчиси — Незнамов билан эса, эски танишсиз, унга сизни қўшиб қўямиз.

— Ҳа-а-а-а, мана қаерга яшириниб олибсизлар! — деде кабинетга Ҳусайн урушдан кейин эгнидан қўймай юрадиган солдатча формасида кириб келди, фақат бошига дўппи кийиб олган эди. — Файтун тайёр, эшик тагида, — деди у ва майиз солингган ликобчани қўлига олиб, ўзининг катта кафтига ағдарди, хонада у ёқдан бу ёққа юриб, биттадан оғзига майиз ташлай бошлади. Ҳусайн Бобораҳимга қараб, худди эски танишлардай дўстона жилмайиб қўярди.

— Хўш, кун тартибини белгилаб олайлик, ҳозир Бобораҳимнинг уйига борамиз, у ердан театрга, кейин кун бўйи сеникида бўламиз, Ҳусайн, — деди Мухторхон. Бобораҳимга қараб қўшимча қилди: — Мен ёш дўстимнинг қаерда ва қандай яшаётганини кўриб қўйинишм лозим!

— Тасдиқлайман! — Ҳусайн худди муҳр босгандай, қўлини столга уриб қаттиқ хохолаб кулиб юборди.

Кўчада қанотлари лакланган, йиғма соябонли ҳақиқий файтун турар эди. Унга қўшилган саман от бетоқат бўлиб ер тепинарди. Мухторхон билан Нигора юмшоқ ўриндиққа ўтиришди. Бобораҳим уларнинг рўпарасидағи тахтага ўтиришди, Ҳусайн ўз курсисига жойлашиб олди, жиловни қўлига ушлаб, «Олға!» деб қаттиқ қичқирди.

Ўқчи маҳалласи жинқўчаларининг бирида, хиёл қийшайган кенг нақшинкор эшик олдида Ҳусайн файтунни тўхтатди.

Ҳаммалари ёғ тушса ялагундек қилиб супирилган ҳовлига кирдилар, ҳовли кичкина, чор бурчак шаклида, ҳовли этаги олди айвонли пахса уй, айвон томи остидан кўк сири ёрилиб, кўчиб кетган иккита дераза ташқи оламга панадан мўралагандек қараб турарди. Үнгдан чапга қараб ҳовлини тўғри чизиқдай торгина ариқ кесиб ўтган. Унинг иккала четигарайхон экилган. Айвон олдида шохлари тарвақайлаб, пўстлоғи тарам-тарам ёрилиб кетган нок гуллаб ётарди.

Биринчи бўлиб ҳовлига кирган Бобораҳимни қаршилаб, озода кийинган саккиз ёшлардаги бола ва олти ёшлардаги қизалоқ севинч-қувонч билан кутиб олди-да, югириб келиб акаларининг бўйнига осилишди.

Бобораҳимнида кўп ўтиришмади. Болаларни файтунга ўтқазиб, Хадрага жўнашди. Катта-катта деразали баланд бино — трамвай паркининг дирекцияси олдида Мухторхон Ҳусайнни тўхтатди. Файтундан тушди.

— Шу ерда кутиб туринглар, — деди у ҳамроҳларига ва муюлишга бурилиб, шоша-пиша Эски Жува томон юриб кетди.

У йигирма дақиқалардан кейин қайтиб келди, унинг юзида сирли табассум ўйнар эди.

— Ҳусайн, азизим, ҳайдай! — дея хушчақчақ қичқирди у тўсатдан. Ҳусайн ўгирилиб, кўчани бошига кўтариб хохолаб юборди.

— Ҳабибга қандай жумбоқни тақдим этганингни тасаввур қиласман! У тонг отгунча ухламай чиқади, бутун театрни остин-устин қилиб юборади.

Мухторхон фитначилардек Ҳусайнга қараб кўзини қисди.

— Ҳабиб қотиб қолди. Биласанми, шунча йилдан

бери уни танийман-у, бугун биринчи марта тутоқиб кетди:

— «Қўйнимни пуч ёнғоққа тўлдирияпсиз!» — дейли. Бу, яъни, сиз, Бобораҳим, пуч ёнғоқ эмишсиз! Ҳа-ҳа-ҳа! «Сиз мендан розилик сўрамайсиз! Буйруқлар берасиз, мен бўлсам, қулдай кўр-кўёна сизга бўйсунаман. Сиз мендан пулинг борми, йўқми деб сўрамайсиз, фақат қароқчилардай «Чўз!» дейсиз». Бу, яъни, мен, қароқчи эмишман. Ҳа-ҳа-ҳа!..

Файтун енгил чайқалиб, тош йўлдан ғилдираб борарди.

Улар Сассиқховуз, Каттаҳовуз, Дарвозадан ўтдиляр ва ниҳоят сершовқин, ғала-ғовур Кўкчага етиб келдилар.

Ҳусайн бозордан бир талай иссиқ нон олди, Мухторхон қип-қизил худди шишадай мусаффо хўроқандлар харид қилди, болалар уларни олиб, шу ернинг ўзида ялай бошладилар.

Улар ҳовлига кириб келишганда, тўлагина қадиқомати келишган аёл — Ҳусайннинг хотинидан бўлак уйда ҳеч ким йўқ эди.

Йўл-йўлакай болалар билан дўстлашиб олган Нигора уларни боққа бошлаб кетди. Гулга кўмилган шафтоли, олча, олма дараҳтлари афсонавий улкан гулдасталарга ўҳшаб кетарди. Атроф жимжит, фақат асал-ариларнинг ғувиллашию, кўкда тўрғайнинг сайраши эшитиларди. Мухтор билан Бобораҳим ҳам боққа киришди. Киришди-ю, ўша ерда то қош қорайгунга қадар қолиб кетишли. Улар гоҳ хотиржам, гоҳ тўлқинланиб баҳслашардилар. Нима ҳақда? Спектакль арафасида актёр билан режиссёр нима ҳақда гаплашиши мумкин? Мухторхон ўзининг учинчи ўғлини тарбиялай бошлади.

Улар уйга қайтаётганларида осмонда дастлабки юлдузлар милтиллай бошлаган эди.

Болалар қўлда ухлаб қолишли.

Шу бугундан бошлаб ва кейинги уч йил ичиде уйда, театрда Мухторхоннинг бир дақиқа ҳам бўш вақти, бир соат ҳам ҳаловати бўлмади.

Куннинг биринчи ярмида у уйда ишлар, янги постановкаларнинг режасини тузарди, иккинчи ярмида театрда актёрлар билан репетиция ўтказар, рассомларнинг хомаки нусхаларини, бастакорларнинг ишларини маъқуллар ёки рад этарди.

Бобораҳим Фоғирни ҳам, Григорий Незнамовни ҳам

муваффақият билан ўинади. Энди унинг иштирокисиз бирорта спектакль ҳам ўтмасди.

Ниҳоят, мана навбат Гамлетга келди.

Унинг афишаларда пайдо бўлиши томошабинлар учун ҳам, санъатшунослар учун ҳам, матбуот учун ҳам кутилмаган ҳол эди. Битта ҳам мусоҳабада Мухторхон Гамлет тўғрисида, лоақал бир оғиз бўлса ҳам гапирмади. Бу тўсатдан рўй берган портлашга ўхшар эди.

Премьерага билетлар қандайдир бир соатлар ичida сотилиб бўлди. Ўзида йўқ хурсанд Ҳабиб, қабинетда тинмай жиринглаб турган телефондан яширинарди.

Спектакль одатдагидек роппа-роса кеч соат етти яримда бошланди. Ҳар бир парда гулдирос қарсаклар билан якунланарди.

Мухторхон ўз ложасида, унинг ҳаяжонини ҳеч ким сезмаслиги учун ўз одатича орқада ўтиради. Байрамдагидай ясаниб олган Нигора билан Ҳусайн олдинда, пастда ложа тўсиғи ортида бутун бир зал одам нафасини ичига ютиб, ҳайратланиб, саҳнадан кўз узолмасди.

Эртаси куни Мухторхон Бобораҳимни уйига таклиф қилди.

— Сиз, ўғлим, бир неча пьесада ўйнадингиз. Яхши спектакллар чиқди. Энди «Отелло»га навбат етди. Мана, матннинг таржимаси! Матн аъло даражада қилинган. Ишга киришинг!

— Устоз, аммо сиз ўзингиз бунинг устида ишлашга тайёргарлик кўраётгандингиз! — деди Бобораҳим, шошиб қолиб.

— Бу ёруғ дунёни ҳали қўзларим кўраётган экан, мен ўзимнинг мушкул, гоҳида юрагимда санчиқ пайдо қиласдиган ишимни якунлаб олсан дегандим. Ҳаётимнинг бир неча йилини бағишлаган ишим охирлаб қолган... Фақат узукка қимматбаҳо тошдан ясалган кўзни ўрнатиш қолган.

Бобораҳим Мухторхоннинг бир сўзлигини, ўз қароридан қайтмаслигини билиб, унга деди:

— Ўзимга Кассио ролини олсан майлими?

Мухторхон розилигини билдириди.

Бобораҳим «Отелло» устида бутун йил давомида ишлади. Мухторхон уни диққат билан кузатар, унинг ишига аралашмас, уялмасин деб repetиция пайтида кўринмасди.

У премьерага ҳам келмади — тоби қочиб қолди. Уни радиодан эшитди.

бир-бирларини қучоқлаб, табриклай бошладилар, кёйин Бобораҳимни ўраб олиб, гуллар ёғдирдилар, қўлини қисишиб қутладилар. Шу пайт бирдан саҳнага Ҳусайн кириб келди. Ҳамма хавотирланиб, бир-бирига олазарак қараб қолди.

— Мухторхон спектаклдан кейин сизга бу қилични... Гамлетнинг қиличини топширишимни сўраган эди,— деди Ҳусайн, ўз жангчисининг жароҳатини муносиб тақдирлаётган лашкарбошидай қилични Бобораҳимга узатаркан.

Бобораҳим тиз чўкди, иккала қўли билан қилични олди, шунда унинг дастасидаги проектор нурида ялтираб кўринган ёзувни кўрди: «Мен энди хотиржамман».

Мухторхон икки кундан кейин тўсатдан юрак хуружидан вафот этди.

Бир ой ўтгач, Нигора ҳам сўнди, унинг юраги ёлғизлик азобини кўтаришга қодир эмасди.